

قره‌داغین طبیعی محیطی

قره‌داغین حفاظت اولموش منطقه‌سی‌نین 80 مین 427 هکتار مساحتی وار کی آراز چایی‌نین جنوبوندا و جلفا اینن مغان چۆلو، ساوالان، بوزقوش و سه‌ند داغلاری آراسیندا یئر آلیر. بو منطقه بیوسفر مخزنی کیمی ثبته یئتیشتیب و نباتی و حیوانی جه‌تن چوخ یوخاری ارزشه صاحب‌دیر.

قره‌داغدا مینلر نوع گیاه و مارال، کۆیگر، قافلان، قونور آیی، کنچی، وحشی پیشیک و شکاری قوشلار: قارا خوروز، قرقاویل، توراج کیمی جور به جور نادر حیوانلار یاشاییر. بو منطقه اؤزونه مخصوص خصوصیتلرینه گۆره 1354-جو ایلینده یونسکو طرفیندن بئر کره‌سی‌نین حیاتی ذخیره‌سی کیمی تانیندی و دنیا سطحینده جانلی فسیله معروف‌دور.

قره‌داغ جنگل‌لرینده 450 دن 600 گرمه قدر یاغینتی اولار. بو مقدار گیزلی یاغیش آدلانان مئهللی هواپا گۆره 750 میلی متره چاتار. شکسیر ائله بو مسأله بو منطقه‌نی بو قدر نباتی و حیوانی جه‌تن غنی ائله‌ییب.

بو منطقه‌ده مین جوردن آرتیق گیاه وار کی اونلارین یوزده 46-سی داوا کیمی، یوزده 20-سی بزک کیمی، یوزده 17-سی یئمک کیمی، یوزده 28-ی یئم کیمی، یوزده او-و حفاظت اولونموش ویوزده بئشی صنعتی گیاه کیمی استفاده اولونور. اونلاردان پالید، آردیج، ولس، آعاج‌قاین، وحشی گیلان، قارا چۆهره، گیرده‌کان، آرمود، نار، قاراگیله، زربش، و سماقاز آعاجلارینی آد آپارماق اولار.

قره‌داغین حیوان تنوعی ده 320-دن آرتیق‌دیر. اونلارین 39 نوعی ممه‌لی‌لر، 220 نوعی قوشلار، 38 نوعی سورونلر و دوزیستلر، و 22 نوعدا بالیق‌دی‌لار. قارا خوروز اؤلکه‌میزده فقط بو منطقه‌ده اولار و آیری حیوانلاردان قره‌داغ قرقاویل، قافلان، کۆیگر، چۆل گنجیسی، چۆل پیشیگی، جنگل پیشیگی و جور به جور کۆچری قوشلاری آد آپارماق اولار.

قره‌داغ جنگل‌لرینده جور به جور طبیعی منظره‌لر او جمله‌دن سیل‌دیرم داشلار، جنگل‌لر، اوتلاق‌لار، چاپلار و اکین یئرلری و جور به جور طبیعی محیطلر او جمله‌دن "آترا"، "کلن"، "پیر دره‌سی"، " فارونلار"، "قلعه دره‌سی وینق"، "شاه اتران" و "واپقان" کیمی یئرلری اؤزونده یئرلشدیریپ.